



J.U. Zavod za javno zdravstvo Kantona Sarajevo u sklopu svoje djelatnosti a u skladu sa svojim mogućnostima kontinuirano provodi monitoring zdravstvene ispravnosti vode za piće na području našeg Kantona, a koja se distribuira iz sistema centralnog gradskog vodovoda.

U sklopu svoje djelatnosti Zavod vrši ispitivanje zdravstvene ispravnosti vode u našim akreditiranim laboratorijama na mikrobiološke i fizičko hemijske parametre putem kontrolnog praćenja i prema indikacijama ispitivanjem indikatorskih parametara zdravstvene ispravnosti vode prema važećem Pravilniku o zdravstvenoj ispravnosti vode za piće.

Naše terenske i laboratorijske ekipe od početka redukcija, provode pojačan monitoring u skladu sa kapacitetima, te Vas obavještavamo da će se i u budućnosti vršiti pojačan nadzor, a sve u cilju zaštite zdravlja stanovništva Kantona Sarajevo. Posljednja uzorkovanje urađeno je u srijedu 08.02.2017.godine te je uzeto ukupno 30 uzoraka vode iz gradskog vodovoda, istočista kod krajnjeg korisnika kao i iz bunara Sokolović Kolonija koji sadrži sirovu, netretiranu vodu.

Prema rezultatima ispitivanja praćenih indikatorskih parametara i putem kontrolnog praćenja potvrđujemo da su svi uzeti uzorci uredni.

Prema dospelim prijavama zaraznih bolesti, u 2017.godini nema povećanog broja slučajeva sa stomačnim tegobama, odnosno pacijenata sa enterokolitisom, a koji se mogu dovesti u vezu sa konzumiranjem zdravstveno neispravne vode. Naprotiv, naša epidemiološka služba raspolaže podacima o smanjenom broju prijavljenih pacijenata sa navedenim tegobama, u poređenju sa istim periodom prethodne godine.

Pravilnik o zdravstvenoj ispravnosti vode za piće u kojem je naveden obim i vrste analiza je donesen na nivou Bosne i Hercegovine, a nadležni organi su Agencija za sigurnost hrane Bosne i Hercegovine, entitetska ministarstva zdravlja i Brčko Distrikta Bosne i Hercegovine, te entitetski inspektorati i Inspektorat Brčko Distrikta Bosne i Hercegovine. Provjeru zdravstvene ispravnosti vode namijenjene javnom vodosnabdijevanju vrše nadležni inspektorati, preko zavoda i instituta za javno zdravstvo entiteta i Brčko Distrikta. Naša Ustanova prema stručnoj procjeni, a neovisno o nalogu inspektorata, vrši uzorkovanje i analizu vode za piće na mikrobiološke i fizičko-hemijske parametre propisane navedenim Pravilnikom i svoje mjesečne izvještaje dostavlja Ministarstvu zdravstva Kantona Sarajevo i Agenciji za sigurnost hrane BiH.

Sarajevo, 10.02.2017.godine

**J.U. ZAVOD ZA JAVNO ZDRAVSTVO
KANTONA SARAJEVO**

